



МОНГОЛ УЛС
БАЯНХОНГОР АЙМГИЙН ЗАСАГ ДАРГЫН
ЗАХИРАМЖ

2019 оны 01 сарын 23 өдөр

Дугаар А/16

Номгон

Аймгийн тэмээчдийн зөвлөгөөн зохион
байгуулах тухай

Монгол Улсын Засаг захиргаа, нутаг дэвсгэрийн нэгж түүний удирдлагын тухай хуулийн 29 дүгээр зүйлийн 29.2 дахь заалт, Монгол Улсын Сангийн сайдын 2018 оны 318 дугаар тушаалаар баталсан “Засаг даргын нөөц хөрөнгийн зориулалт, зарцуулалтын нийтлэг журам”-ын 2.1.6 дах заалтыг үндэслэн ЗАХИРАМЖЛАХ нь:

1.Бурхан шашны оройн зул, их номч, соён гэгээрүүлэгч, зурхайч Ламын гэгээн Лувсанданзанжанцангийн мэндэлсэний 380 жилийн ойн хүрээнд аймгийн Тэмээчдийн баяр, зөвлөгөөнийг 02 дугаар сарын 12-ны өдөр зохион байгуулсугай.

2.Тэмээчдийн баяр, зөвлөгөөн зохион байгуулах ажлын хэсгийг нэгдүгээр, удирдамж хөтөлбөрийг хоёрдугаар, зардлын тооцоог гуравдугаар хавсралтаар тус тус баталсугай.

3.Тэмээчдийн зөвлөгөөн, наадамд оролцогсодын тоог нэмэгдүүлж наадмыг өргөн дэлгэр болгох үүднээс өөрийн аймгийн тэмээ бүхий сумууд, хил залгаа аймгуудад удирдамж хөтөлбөрийг урьдчилан хүргэж, шуурхай төлөвлөгөө гарган хэрэгжүүлэхийг ажлын хэсэг /Б.Батсуурь/-т даалгасугай.

4.Шаардагдах зардлын 8000000 /найман сая/ төгрөгийг аймгийн Тэмээчдийн холбоо, 75000000 /долоон сая таван зуун мянга/-н төгрөгийг аймгийн Засаг даргын нөөц хөрөнгөөс гаргаж, зарцуулалтад хяналт тавьж ажиллахыг аймгийн Засаг даргын Тамгын газрын дарга /Ц.Дашцэрэн/, Санхүү, төрийн сангийн хэлтэс /С.Байгалмаа/ нарт үүрэг болгосугай.

ДАРГА



Г.БАТЖАРГАЛ

Аймгийн Засаг даргын 2019 оны 01 дүгээр сарын
23-ны өдрийн А/16 дугаар захирамжийн
1 дүгээр хавсралт



АЙМГИЙН ТЭМЭЭЧДИЙН ЗӨВЛӨГӨӨН, НААДМЫГ
ЗОХИОН БАЙГУУЛАХ АЖЛЫН ХЭСГИЙН
БҮРЭЛДЭХҮҮН

Ахлагч: Б.Батсуурь - Аймгийн Засаг даргын орлогч

Нарийн бичгийн дарга: Ж.Баттөр-Хүнс, хөдөө аж ахуйн газрын дарга

Гишүүд: Ц.Дашцэрэн – Аймгийн Засаг даргын Тамгын газрын дарга

Б.Бат-Өлзий- Байгаль орчин, аялал жуулчлалын газрын дарга

Н.Жаргалсайхан-Жинст сумын Засаг дарга

А.Бадмаадорж-Баянлиг сумын Засаг дарга

Н.Эрдэнэболд-Богд сумын Засаг дарга

Б.Эрдэнэбилэг- Баянговь сумын Засаг дарга

З.Мөнхтөр-Шинэжинст сумын Засаг дарга

Ц.Балжинням-Баян-Өндөр сумын Засаг дарга

Н.Шагдарсүрэн- Баянцагаан сумын Засаг дарга

Ж.Алтанцэцэг-Бууцагаан сумын Засаг дарга

Д.Цэдэнсодном- Өлзийт сумын Засаг дарга

Ж.Ганбат-Баацагаан сумын Засаг дарга

— оОо —

Аймгийн Засаг даргын 2019 оны 01 дүгээр
сарын 23-ны өдрийн А/15 дугаар захирамжийн
2 дугаар хавсралт



АЙМГИЙН ТЭМЭЭЧДИЙН ЗӨВЛӨГӨӨН, НААДМЫН УДИРДАМЖ

Нэг. Зөвлөгөөн, наадмын зорилго.

Тэмээн сүргийнхээ үүлдэр угсааг сайжруулах, тоо толгойг өсгөх, тэмээчид, малчдын туршлага солилцуулах, тэдний хөдөлмөрийг үнэлэх, алдаршуулах, аялагч жуулчдыг татах, олон түмнийг цэнгээн баясгахад оршино.

Хаана болох: Баянхонгор аймгийн Жинст сумын төвд

Оролцох бүрэлдэхүүн: Баянхонгор аймгийн ИТХ, ЗД түүний тамгын газар, ХХАА-н газар, БОАЖ-ын газар, тэмээчдийн холбоо, сумдын ЗДТГ, тэмээчид, малчид, УИХ-ын гишүүд, ХХААХҮЯ-ы болон эрдэмтдийн төлөөлөл, тус аймгийн хил залгаа Өвөрхангай, Өмнөговь, Говь-Алтай аймгийн удирдлага, мэргэжилтнүүд, тэмээчид

Ерөнхий ивээн тэтгэгч: Аймгийн ЗДТГ, “Баялаг өлзий” ХХК

Зохион байгуулалт: Баянхонгор аймгийн сум тус бүр нэг баг, бусад аймгууд тус бүр нэг баг болж оролцоно.

-Баг нь 5-аас доошгүй гишүүнтэй байх ба багийн ахлагч нь тухайн аймаг, сумаас хариуцаж ирсэн хүн байна. Багийн бүрэлдэхүүнд сумын ХАА-н тасгийн мэргэжилтэн 1, тэмээчин 3-аас доошгүй оролцоно.

-Тэмээчдийн зөвлөгөөн, наадмын төрөл тус бүрд багаараа оролцох бөгөөд наадмын нээлтийн тэмээн парадад өөрийн багийн өвөрмөц байдал, тэмээчдийн алдар гавъяа, тэмээний сүр жавхланг илтгэсэн жагсаалаар оролцоно.

Шүүгчдийн бүрэлдэхүүн: 9-с доошгүй хүний бүрэлдэхүүнтэй байх ба ахлагч нь аймгийн ЗДТГ-ын төлөөлөл, гишүүдээр ХХААГ, БОАЖГ-аас тус бүр 2, зохион байгуулж буй сумаас 1, малчдын төлөөлөл 3 байна.

Шалгаруулалт, шагналын сан: Тэмээчдийн зөвлөгөөн, наадмын үйл ажиллагаа уралдаан тэмцээнд оролцсон байдал гаргасан амжилтыг оноогоор үнэлж багуудыг байр эзлүүлэн шагнаж урамшуулна.

1-р байр-1 Өргөмжлөл. 1 сая төгрөг

2-р байр-1 Өргөмжлөл. 800 мянган төгрөг

3-р байр-1 Өргөмжлөл. 600 мянган төгрөг

Тусгай байр-2 Дурсамж тус бүр 300 мянган төгрөг

Жич: Уралдаан тэмцээнд амжилттай оролцож байр эзэлсэн хүмүүсийг хувийн амжилтаар нь шагнаж урамшуулахын дээр ажил, хөдөлмөрөөрөө шалгарсан зарим тэмээчдийг төр засаг, аймаг, орон нутаг, төрийн бус байгууллага, ААН, иргэдээс ивээн тэтгэсэн шагнал урамшуулалд хамруулна. Аймгийн тэмээчдийн холбооноос бүдүүн ат, бага нас, торомны уралдааны шагналыг хариуцахын дээр бусад уралдаан тэмцээний өргөмжлөл, медалийг хийлгэнэ.

Баярын үеэр зохион байгуулагдах уралдаан, тэмцээн (шилмэл буур, шилмэл ингэ, сайхан тэмээтэй ганган хос, буйл зорох, бурантаг томох гэх мэт)-ий шагнал, зочид төлөөлөгчдийн байр, хоол ундны зардалыг аймгийн ЗДТГ, Жинст сумын ЗДТГ хариуцна.

_____оОо_____

ЗӨВЛӨГӨӨН НААДМЫН ХӨТӨЛБӨР

2019.02.11

15.00-19.00 Зочид төлөөлөгчийг хүлээн авч байрлуулна.

19.00-23.00 Соёлын арга хэмжээ

2019.02.12

09.00-11.00 Бага насны (шилбэ, тайлаг) тэмээний уралдаан

11.00-12.00 Наадмын нээлт, тэмээн парад

12.00-15.00 Уралдаан тэмцээн (шилмэл буур, шилмэл ингэ, сайхан тэмээтэй ганган хос, буйл зорох, бурантаг томох гэх мэт)

15.00-18.00 Тэмээчдийн зөвлөгөөн (тусгай хөтөлбөрөөр)

18.00-20.00 Ногоон алт, малын эрүүл мэнд төслийн сургалт

20.00-23.00 Тэмээ, тэмээчин говь нутгийн тухай уран бүтээлийн тэмцээн (дуу, хөгжим, бүжиг, ерөөл магтаал, ардын аман зохиол)

2019.02.13

09.00-11.00 Хурдан атны уралдаан

11.00-13.00 Хурдан торомны уралдаан

13.00-15.00 Баяр наадмын хаалтын үйл ажиллагаа (шагнал урамшуулал, бусад арга хэмжээ)

16.00 цагт Үндэсний урлагийн их театрын уран бүтээлчдийн тоглолт.

Тоглолтонд:

МУГЖ С.Цогтсайхан

МУГЖ Д.Ширмэнтүяа

МУСТА Б.Батмэнд

МУСТА Д.Амаржаргал

МУСТА Ц.Дашцэрэн

МУСТА В.Батзориг (Хөсөгтөн хамтлагийн хуурч)

МУСТА Ц.Шинэбаяр (Universe Best Songs- уралдааны шилдэг оролцогч гранпри шагналт) нар тус тус оролцоно.

Жич: -Тэмээний гаралтай бүтээгдэхүүний үзэсгэлэн худалдаа 12,13-ны өдрүүдэд явагдана.

-Малчид уяачдаас эрлийз тэмээ уралдуулах санал гарвал уралдааныг бооцоотой явуулна.

_____оОо_____

Аймгийн Засаг даргын 2019 оны 01 дүгээр сарын 23-ны өдрийн А/16 дугаар захирамжийн 3 дугаар хавсралт



БАЯНХОНГОР АЙМГИЙН ТЭМЭЭЧДИЙН ЗӨВЛӨГӨӨН,
НААДМЫН ЗАРДЛЫН ТООЦОО.

Арга хэмжээний төрөл	Эзлэх байр, шагнал урамшуулал	Мөнгөн дүн / мян.төг/	Тайлбар
Шилдэг сум / баг / шалгаруулах	1,2,3-р байр, өргөмжлөл, цом, мөнгөн шагнал	3000.0 ₮	1-р байр-1000.0₮, 2-р байр-800.0₮, 3-р байр-600.0₮, тусгай байр-2600.0 ₮
Тэмээний уралдаан	-Бүдүүн тэмээ 1-30	3000.0₮	1-5 байр-1600.0₮, 6-10 байр-500.0₮, 11-20 байр-500.0₮, 21-30 байр-200.0₮, медаль, өргөмжлөл
	-Бага насны тэмээ 1-20	2000.0	1-5 байр-1050.0₮, 6-10 байр-350.0₮, 11-15 байр-250.0₮, 16-20 байр-100.0 ₮, медаль, өргөмжлөл
	Тором 1-20	2000.0	-Шагнал бага насны тэмээтэй адил
Ажил мэргэжлийн уралдаан, тэмцээн	-Шилмэл буур 1-3	500.0	-1-р байр-200.0₮, 2-р байр-150.0₮, 3-р байр-100.0 ₮, медаль, өргөмжлөл
	-Шилмэл ингэ 1-3	500.0	- Буурныхтай адил
	-Сайхан тэмээтэй ганган хос 1-3	500.0	- Мөн адил
	- Буйл зорох 1-3	250.0	-1-р байр-100.0₮, 2-р байр-70.0₮, 3-р байр-50.0 ₮, медаль, өргөмжлөл
	-Бурантаг томох 1-3	250.0	- Дээрхитэй адил
	-Эмнэг тэмээ туйлуулах 1-3	250.0	- Мөн адил
	-Шилдэг сүүн бүтээгдэхүүн 1-3	250.0	-Мөн адил
Соёл урлагийн үзүүлбэр	-Шилдэг ноосон бүтээгдэхүүн 1-3	250.0	-Мөн адил
	-Тэмээ, тэмээчин, говь нутгийн тухай дууны тэмцээн 1-3	150.0	-1-р байр 60.0 ₮, 2-р байр 40.0 ₮, 3-р байр 30.0 ₮, өргөмжлөл, медаль
	-Бүжиг, хөгжим 1-3	150.0	-Дээрхитэй адил
Байр, хоол хүнс бусад зардал	-Ерөөл, магтаал, ардын аман зохиол 1-3	150.0	-Мөн адил
	-Зочид төлөөлөгчдийг байрлуулах, хоол унд, хүлээн авалт бусад зардал	2300.0	
БҮГД		15500	

Жич: Эрлийз тэмээний уралдааныг бооцоотой явуулна.

_____оОо_____